

ՔԱՂԱՔԱԿԱՆ ՏԵՍՈՒԹԻՒՆ

Ժերոմ Նապոլեօն:—Լուդուիգ Վինդհորստ

† ՊՐԻՆՑ ԺԵՐՈՄ ՆԱՊՈԼԵՕՆ

«Recht hat jeder eigene Charakter», «Ինքնուրոյն մարդուն ամեն ինչ ներառած է!»: Ահա մի խօսք, որ Շիլլերը Վալլենշտայնի բերանն է դնում: Բայց որ այդ խօսքը միայն սահմանափակ նշանակութիւն ունի, ժամանակակիցներից քչերը կարող են դորան անքան պարզ օրինակ ծառայել, որքան նոր տոմարով մարտի 17-ին վախճանւած պրինց Ժերոմ Նապոլեօն, Նապոլեօնների երկրորդ սերունդի այդ վերջին ներկայացուցիչը: Նա ըստ ամենայնի մի «ինքնուրոյն» բնաւորութիւն էր և միևնոյն ժամանակ ոչ սովորական ընդունակութիւնների տէր մարդ, բայց և այնպէս ամենքի առջև նա միայն պարտական մնաց: Իւր տոհմի անդամների համար նա միայն մի ծանրութիւն էր դառել, որպէս ծանրութիւն էր նա բոնապարտի զմի վերականգման հեղինակներին 50-ական թւականներին: «Վարմիր պրինցը», որպէս կոչւում էր հանգուցեալը, գրեթէ առանց կարեկցութեան հեռացաւ աշխարհից, որի լոյսը նա տեսաւ Գ-ին սեպտեմբերի 1822 թւականի Տրիեստում, որպէս նախկին Վեստֆալեան թագաւորի որդի:

Նա Վեստֆալեան թագաւոր Ժերոմ Բոնապարտի ¹⁾ երկրորդ

¹⁾ Այդ Ժերոմ Բոնապարտը կախար Նապոլեօն առաջինի եղբայրներից մէկն էր, որ մեծ Նապոլեօնի ձեռքով նշանակւեց թագաւոր Նորաստեղծ Վեստֆալեան թագաւորութեան: Մեծ Նապոլեօնի եղբայրներն էին՝ Թոմասէփ (Նապանիալի թագաւոր), Լիւիսն (Իշխան Կանինօի), Լուի (Թագաւոր Հոլլանդիայի, որի որդին Լուի Նապոլեօն 1852—1870 թ. կալուր էր

որդին էր, կրթւեց Լուսինգսթուրգի զինւորական ուսումնարանում և հասարակաց ասպարէզ եկաւ կէս դար մեզնից առաջ իւր հետեւեալ մի քայլով: Ֆրանսիայի և Գերմանիայի մէջ պատերազմ լինելու մասին լուրեր տարածւած լինելով (այդ պատերազմը չեղաւ), նա, դեռ ևս բոլորովին երիտասարդ, 1840-ին իւր պապ՝ Վիւրտեմբերգի թագաւորին յետ աւեց լեյտենանտութեան պառնետը «որ ստիպւած չը լինի իւր հայրենիքի դէմ կռւելու»: Հինգ տարի յետոյ, 23 տարեկան հասակում նա առաջին անգամ ոտք դրեց իւր այդ հայրենիքը, թոյլտուութեամբ ¹⁾ Ֆրանսիացւոց թագաւոր Լուի-Ֆիլիպի: Բայց ժերոմ Նապոլէօն իրան այնպէս պահեց որ թագաւորը նորան դուրս արաւ երկրի սահմաններից: Երկու տարուց յետ նրան կրկին թոյլտուութիւն արեց Ֆրանսիա գալ, իսկ 1848 թւականի յեղափոխութեան օրերին, երբ Լուի-Ֆիլիպին զահընկեց արին և երկրից աքսորեցին, նա քաղաքային տան առջև իւր ծառայութիւնն էր առաջարկում «ժամանակաւոր կառավարութեան» ասելով՝ «ամեն մի լաւ քաղաքացու պարտաւորութիւնն է միանալ հանրապետութեան հետ»:

Ըստ ամենայնի Վեստֆալիայի նախկին թագաւորի որդին լրջօրէն էր ուզում յարել հանրապետութեան, որովհետև նա իւր տեսակ էր ըմբռնում հանրապետութիւնը, բոլորովին ոչ այնպէս, ինչպէս այդ իրականացրեց իւր հօրեղբօր որդի ապա կայսր Նապոլէօն III. Ժերոմ Նապոլէօն ուզում էր մի դիմօկրատական հանրապետութիւն, որի գլուխ կանգնած կը լինի ժողովրդից ընտրւած մի կեսար: Այդ այնպիսի մի պետական ձև է, որ զոյութիւն ունէր Հռովմում՝ հանրապետութեան վերջին օրերում և որի նմանը փորձւած էր իոյն իսկ Ֆրանսիայում՝ երբ Նապոլէօն I կայսրը դեռ ևս միայն կոնսուլ էր: Այդ մտքով, իբր ներկայացուցիչ Կորսիկայի մի վի-

Ֆրանսիացւոց Նապոլէօն III անունով), ժերոմ (թագաւոր Վեստֆալիայի), որի որդին էր Նորբերուս հաճուցեալ պրինց ժերոմ Նապոլէօն, կոչւած Պրն-Պրն, որ և գլուխ էր Բոնապարտեան տոհմի, 1879 ից գէտ, աչսիւքն ալն ժամանակից, երբ վախճանեց կայսր Նապոլէօն III-ի որդի պրինց Լուի Նապոլէօն, կոչւած Լուլու): Մեծ Նապոլէօնի անկումով ընկան նաև իւր եղբայր Թադաւորները, որոնց տեղը ըռնեցին ալն երկիրներէի նախկին իշխանները:

¹⁾ Նապոլէօններին արգելւած էր մուտքը Ֆրանսիա:

ճակի, նա տեղ գրաւեց 1848. Թւականի սահմանադրող ժողովում՝ ձախակողմեանների շարքում, որ իւր ձայնը տայ յօգուտ այն բոլոր առաջարկների, որոնց նպատակն էր մի հաստատուն և չափաւոր հանրապետութիւն, ի միջի այլոց յօգուտ երկ-ժողովեայ սխտեմի¹⁾։

Բայց չը նայած դորան, չը նայած որ նա տեղիակ էր իւր հօրեղբօր որդու դիտաւորութիւններին, նա նպաստեց նորա՝ հանրապետութեան նախագահ ընտրելուն, իսկ 1852 թւականի սկզբներում նա թոյլ տւեց որ իրան նշանակեն Ֆրանսիայի դեսպան Մարիիդում։ Բայց ճանապարհին՝ Բորդօյում նա մի քաղաքական ճառ կարդաց, որի համար հրապարակաբար յանդիմանութիւն ստացաւ հանրապետութեան նախագահից։ Ժերոմը պատասխանեց դորան իւր հրաժարականով և շարունակեց նստել ազգային ժողովի ձախակողմեանների շարքում։ Բայց և այնպէս նա իրան պահեց այնքան զգոյշ, որ նորից գրաւեց նապոլէօն երրորդի ողորմածութիւնը, և երբ սա կայսր դառաւ, նշանակեց սենատի և պետական խորհրդի անդամ և ծանալեց որպէս օւսմական պրինց։

Այն դերը որ նա խազաց նապոլէօն III-ի կայսերութեան ժամանակ, բաւականաչափ բնորոշուած է այն ծաղրական մականունով որ տւեցին նրան։ Նորան անւանում էին «կարմիր պրինց»։ Կայսերութեան սկզբնական տարիներում նա նկատուած էր որպէս կայսերական գահաժառանգ. բայց և այնպէս, առանց ուղղակի տոհմական շահերի դէմ գործելու, նա շարունակեց մնալ ընդդիմադիր դեմոկրատական կուսակցութեան շարքերում, ներկայացուցիչ լինելով այդ կուսակցութեան մի առանձին տեսակին՝ կայսերական դիմոկրատական կուսակցութիւն անունով, միշտ շեշտելով, թէ կայսերութիւնը, եթէ ուզում է կայուն մնալ և ժամանակի պահանջներին համապատասխանել, պէտք է յեղափոխական ծագումին հաւատարիմ մնայ։

¹⁾ Սահմանադրական երկիրներում լինում է կամ մի ազգային ժողով և կամ բացի դորանից՝ մի երկրորդ ժողով, որ կոչւում է բարձր ժողով, սենատ կամ ալլապէս։ Վերջին դէպքում ամեն մի օրինագիծ դառնում է օրէնք միայն այն ժամանակ, երբ նա ընդունւում է նախ առաջնում, լետու երկրորդում և ապա պետութեան գլուխ կանգնած թագաւորից կամ հանրապետութեան նախագահից։ Մարտակոչ դեմոկրատները միշտ պահանջել են մի-ժողովեայ սխտեմ, չափաւորները՝ երկ ժողովեայ սխտեմ։

Եւ չը նայած դորան՝ կայսրը շարունակում էր ցոյց տալ դէպի նա հաւատ և անձնական բարեհաճութիւն. այն աստիճանի, որ կարծիք կազմենց թէ կայսրը երկու ձեռքով խաղ է խաղում, ուր աջ ձեռքը չը պիտի ձախի խաղը տեսնի և որ դեմոկրատական կայսերութիւնը պահեստի մէջ պէտք է մնայ, որ երևան գայ երբ ինքնահեծան (autoritaire) կայսերութիւն շարունակելը անհնարին կը դառնայ: Դա սխալ էր. բայց ընդհանուր կարծիքը պատկերացաւ Օֆֆենբախի օպերային վոդեւիլի մէջ՝ Օրփէէսը դժողքում (Orphée aux Enfers, Орфей въ аду), Ուիլպիական Իւպիտերի յարաբերութեան մէջ դէպի ստորերկրեայ աստուած Պլուտոնը, որը հեւեացած (յեղափոխական) շրջանի ոգիները իւր շուրջն է ժողովում:

Իսկութիւնը սա է, որ կայսր Նապոլէօն III այնքան խորամանկ չէր. նորա հակումը դէպի իւր աչքում հեղինակաւոր երևացած մարդիկ հասնում էր թուլութեան, մինչդեռ նորա հօրեղբօր որդին՝ պրինց Ժերոմ Նապոլէօնը որպէս մի կատարեւագործւած ցինիկոս, որպէս սկզբունքով ատող ամեն հեղինակութեան, ինչ կարգի էլ վերջինս լինի, — իւր ըմբռնող բնաւորութեան միայն այնքանով էր սանձ դնում, որքան այդ հարկաւոր էր իշխանական դիրքից չը զրկելու համար: Յանուն յեղափոխական զաղափարների, նա կռւի ձեռնոց շարտեց եղած պետական և հոգեւորական կարգերին, բայց միշտ կարողանում էր այնպէս դուրս պրծնել, որ բարձր պաշտօններ էր ստանում, ուր նա իւր յանձնարարողի հաւատը միշտ իշարն էր գործ դնում:

Դոցանից առաջինի, այն է իսպանական զեսպանութեան մասին արդէն յիշատակութիւն արեցինք: Երկրորդ բարձր պաշտօնն էր այն, որ նրան մի հրամանատարութիւն յանձնեց Ֆրանսիական զօրքերի վերայ Ղրիմի պատերազմում: Բէէ ինչ դեր խաղաց այդ զործում, բաւական է Վլոն-Պլոն մականունը որ տրւեց նրան այդ առիթով: Աւելի արժանաւոր կերպով նա կատարեց իւր մի երրորդ պաշտօնը իբր գլխաւոր ղեկավար 1856 թւականի աշխարհահանդէսի: Այդտեղ նա ցոյց տուեց կառավարչական արտակարգ ընդունակութիւնների, փայլուն պերճախօսութիւն, անխոնջ աշխատանքի ոյժ և մանաւանդ լաւ ֆինանսիստ: Կայսրը նորա այս վաստակների համար նրան յանձնեց միևսարութիւնը Ալժիրիայի և կոլոնիաների համար և դարձրեց նորան

իւր մտերմական խորհրդատուն, չը նայած որ շուտով տարաձայնութիւններ առաջ եկան նոցա մէջ: Իտալական արշաւանքի առաջին շրջանում պրինց Ժերոմ Նապոլէօն համաձայնեց պսակել Վիկտոր Էմանուէլի աղջկայ հետ և պատերազմի մէջ առիթ տեսաւ իւր Թշնամական զաղափարները դէպի Աւստրիայի Հարսուրգի տունը և դէպի պապը իրազործել: Ղորանով աւելի սաստկացաւ նորա և կայսեր մէջ եղած տարաձայնութիւնը, այնպէս որ կայսրը, սարսափելով իւր իտալական քաղաքականութեան հետեանքներից, 1861 թւականին այդ քաղաքականութեանը այլ ուղղութիւն տուեց: Իւր հռետորական ամբողջ տաղանդով և իւր տեմպերամենտի ամբողջ կրքոտութեամբ, բայց կորսիկական վայրենութիւնով շաղախւած մի ճառում, 15 մայիսի 1865 թ., պրինցը հրապարակաւ յայտարարեց իրան ընդդէմ պապի երկրաւոր իշխանութեան, յօգուտ ազգայնութեան սկզբունքի անողոր իրազործմանը: Այդ ճառի պատճառով նա կորցրեց իւր նոր ստացած երկու պաշտօնները՝ որպէս փոխ-նախագահ պետական զաղտնի խորհրդի և որպէս անդամ խնամակալութեան խորհրդի:

Որ այս բոլորի հետ կապւած էին նորանում նաև պետական մարդու հեռատես և ճիշտ հայեացքների, այդ երևաց 1870-ին, երբ նա պատերազմը Պրուսիայի և Գերմանիայի դէմ յայտարարեց որպէս տխրարութիւն և զուշակեց գերմանական զօրքերի յաղթութիւնը և կայսերութեան անկումը: Էրնէստ Ռոնան և պրինցի միւս մտերիմները պնդում են, որ պրինց Ժերոմ Նապոլէօնի պատահական բացակայութիւնը Ֆրանսիայից (նա ճանապարհորդում էր Շպիցբերգէն կղզում) պատերազմի հաւանական պատճառների թուում պէտք է համարել, որովհետև միայն նա՝ բաւականաչափ հեղինակութիւն ունէր կայսեր վերայ: Նոյնպէս նա հաստատապէս յայտնեց որ իզուր է սպասել Իտալիայի օգնութիւնը և որ այդ նպատակով Ֆլորենցիա գնալը ապարդիւն պէտք է անցնի:

Կայսերական դատը նա հենց 1871 թւականին թողեց. նոյնպէս և Նապոլէօն III-ի որդու մահից յետ նա ոչ մի հակում չը ցոյց տուեց այն պաշտպանելու: Այդ շատ զարմացրեց նորա հին Թշնամիներին՝ Ռուհէ, Կասանյակ և այլն, որոնք միշտ փոքր նշանակութիւն էին տւել նրան: Այդ նորանիցն է, որ նպաստաւոր կարծիք չը կար կազմւած պրինց Ժերոմ Նապոլէօնի մասին: Նրանց, որոնք նորան

ճանաչում էին, պրինցը թւում էր մարմնացումն ցինիզմի և բարոյական սկզբունքից զուրկ լինելուն, որը նորա տոհմի գրեթէ բոլոր անդամներին յատուկ է։ Զարմանալի էր թւում որ այդքան հաստատուն դեմօկրատ, ինչպէս նա էր, շարունակում էր օգտուել այն բոլորից, ինչ տւել էին նրան իշխանական ծնունդը և ղիրքը. զարմանալի էր թւում որ Նապոլէօն III-ին, որը այնքան բարեհաճութիւն էր ցոյց տալիս դէպի նա, միշտ դժւարութիւնների մէջն էր գցում, որ կարելի էր արդարացնել միմիայն հրաժարելով իւր իշխանական տոհմային իրաւունքներից։ Միւս կողմից նորա կենցաղավարութիւնը, նորա անողորմ վարմունքը դէպի իւր ամուսինը և որդիքը, նորա հակումը դէպի այնպիսի մարզիկ և կանայք, որոնք նորա նման անսկզբունք էին (ի միջի այլոց նորա կոմպրովիսը Բուլանժէի հետ), — այս բոլորը վաղուց վրդովեցնում էր Եւրոպային։

Նա խուով էր իւր մեծ որդու՝ Վիկտորի և իւր ամուսին Վյոտիլդի հետ, որ Իտալիայի այժմեայ թագաւորի քոյրն է։ Դորանից են այն զարհուրելի տեսարանները, որ տեղի են ունեցել պրինցի մահւան սենեակում։ Նորա կտակը, որպէս այժմ յայտնւեց, կազմւած է այնպէս որ պրինցը իւր միակ ժառանգ ճանաչում է իւր երկրորդ որդուն՝ պրինց Լուի Նապոլէօնին, մինչդեռ իւր անդրանիկ որդուն զրկում է բոլորովին։ Լրագիրները արդէն տեղեկացրին, որ պրինց Լուին, որը այժմ ռուսաց զինւորական ծառայութեան մէջն է, ունենալով իրր բանակատեղի Թիֆլիսը, յայտնել է որ իւր հօր կտակը չի ընդունում և որ նա ճանաչում է իւր մեծ եղբօր, Վիկտորի, աւաղնութիւնը։ Նկատենք նաև, որ Նապոլէօն III-ի որդին, մեռաւ 1879-ին, կտակով բռնապարտեան տան զլուխ իրանից յետ ճանաչել էր ոչ թէ պրինց Ժերոմ Նապոլէօնին, այլ սորա մեծ արդի Վիկտորին։

Պէտք է կարծել, որ պրինց Ժերոմ Նապոլէօնի հետ անյայտանում է աշխարհքիս երեսից նորագոյն դարու ամենազարմանալի և տարօրինակ մեծ տոհմի վերջին նշանաւոր Նապոլէօնիդը և որ բռնապարտեան կուսակցութիւնը այսուհետ կը կորցնի Ֆրանսիայում նոյն իսկ այն ոյժը որ այս քսան տարիներում չը կարողացաւ խախտել Ֆրանսիական հանրապետութեան հեղինակութիւնը։

† Լ ՈՒԴԻԻԳ ՎԻՆԴՅՈՐՍ

Նոր տոմարով 14 մարտի 1891 թ. վախճանեց Գերմանիայի կաթոլիկների կղերական կուսակցութեան կամ Կենտրոնի ¹⁾ գլուխ Լուդուիգ Վինդհորստը, նորագոյն Գերմանիայի ամենանշանաւոր պարլամենտական անձնաւորութիւնը, եթէ մի կողմ թողնելու լինենք իշխան Բիսմարկին: Այս բուպէին գերմանական ըէյխստագում (կայսերութեան պատգամաւորների ժողովը Բերլինում) ամենից մեծ կուսակցութիւնը՝ կաթոլիկ կղերական կուսակցութիւնն է: Այդ ոյժին նա հասել է շնորհիւ Վինդհորստի: Թէ ինչ զարմանալի տաղանդ էր հարկաւոր ունենալ մի այդպիսի յաջողութիւն ձեռք բերելու համար—բաւական է եթէ ասենք, որ Վինդհորստը այդ բանը յաջողացրել է ընդդէմ ժամանակիս հակակղերական ոգուն և ընդդէմ Բիսմարկի նման մարդու կատաղի թշնամութեան, այն Բիսմարկի, որը իւր օրերում կարողացել է շատ ուժեղ կուսակցութիւններ ջարդ ու փշուր անել: Դեռ ևս մօտ մի տարի առաջ, երբ Բիսմարկը դեռ ևս իւր կանցլերական պաշտօնումն էր, ըէյխստագլի նոր ընտրութիւններից յետոյ, որից Կենտրոնը դուրս եկաւ առաջաւորներից աւելի էլ զօրեղացած, Բիսմարկը իրան ստիպւած տեսաւ բանակցութիւնների մէջ մտնել Վինդհորստի հետ, իւր մօտ հրաւիրելով նորան:

Այդ դէպքը այն աստիճան խորթ թւաց, որ, ուրիշ պատճառների շարքում, այդ էլ մէկն եղաւ Բիսմարկին իւր պաշտօնից հրաժարացնելու: Բայց տարին չ'անցած՝ կայսր Վիլհելմ II ինքը ստիպւած տեսաւ իրան նոյն յարաբերութիւնների մէջ մտնելու այդ զարմանալի մարդու հետ: Եւ Վինդհորստը թաղւեց պատուած կայսեր ներկայացուցչի ներկայութիւնով:

Ինչ զաղափարի համար էր կուում Վինդհորստը? Պարզ պատասխանը այդ հարցին կը տայ երեւի միայն նորան լաւ ուսումնասիրած կենսադրողը, ասել է թէ ապագան: Որովհետեւ նոյն իսկ

¹⁾ Կաթոլիկ կղերական կուսակցութիւնը կոչւում է նաև Կենտրոնի կուսակցութիւն, որովհետեւ նորա անդամները նստում են դեմոկրատական պարլամենտի կենտրոնական աթոռների վերույ:

նրա ջերմ բարեկամներից ոմանք պնդում են որ նորա քաղաքականութեան կենտրոնակէտը եղած են նորա վելֆական (Հաննովրեան) պլանները, իսկ միւսները, թէ՛ նորա իսկական նպատակները եկեղեցական-քաղաքականն են եղել: Եւ չը նայած որ նոյն իսկ իւր բարեկամները հաւասար կարծիք չունին նորա ոգու բուն էութեան մասին և հէնց այդ անորոշութեան պատճառով զարմանալի է թւում, որ նա կարողացաւ միլիոնաւոր մարդկանց կատարեալ վստահութիւնը ձեռք բերել:

Այդ հազւագիւտ մարդուն ճանաչելու համար լաւագոյն միջոցը նորա կեանքի պատմութիւնն է: Վինդհորստը ծնւեց 17 յունւ. 1812 թ. Օսնարիւկում, գիւղացի ծնողներից. նոյնտեղ էլ նա կրթւեց եկեղեցական կոչման համար, որին սակայն չը հետեւեց նա: Համալսարանը աւարտելով նա առաջ փաստաբան եղաւ, յետոյ կոնսիստորիական խորհրդատու, յետոյ ապելացիայի դատարանի աւագ խորհրդատու, ապա 1851 թւականին նշանակեց արդարադատութեան մինիստր նախկին Հաննովրեան թագաւորութեան: Մի երկրորդ անգամ նշանակեց արդարադատութեան մինիստր 1862-ին: 1849-ից սկսած նա անդամ էր Հաննովրի պարլամենտի, ուր նա եռանդով պաշտպանում էր պարտիկուլարիստական և հակա-պրուսական քաղաքականութիւնը, այնպէս որ, մինիստր դառնալով, նա աւելի ևս զարգացրեց հակառակութիւնը Պրուսիայի և պրուսականութեան դէմ, պաշտպանում էր Աւստրիայի ձգտումները, այն է որ Հաննովէրը կպած մնայ աւստրիական քաղաքականութեան: Այդ ժամանակները արդէն կաթոլիկութիւնը Հաննովէրում սկսեց ուժեղանալ, և Վինդհորստ իւր կողմից աշխատեց որ կաթոլիկութիւնը ուժեղ դիրք բռնէ երկրում: Այդ բոլորի համար նա մնաց երախտապարտ Հաննովրի թագաւորական տան, որը նորան այդքան բարերարել էր և որի շահերի համար նա մինչև անգամ օգնութեան ձեռք կառկառեց Բրանդիս—Պլատէնի հակա-սահմանադրական մինիստրութեան:

Հասաւ 1866 թւականը, պրուսական-աւստրիական պատերազմի տարին: Հաննովրի թագաւորը բռնեց Աւստրիայի կողմը և այդ քայլը, ինչպէս յայտնի է, թէ թագաւորական տան և թէ աւհասարակ այդ երկրի անկախութեանը թանկ նստեց: Հաննովէրը միացրւեց յաղթող Պրուսիային, իսկ թագաւորը Կէորգ V. աքսորեց:

Վինդհորստը այն խորհուրդատուների շարքումն էր, որոնք Գէորգ V-ին մղեցին դէպի այդ քաղաքականութիւնը:

Որ Հաննովէրը միացրեց Պրուսիային, այդ աւելի ևս սաստկացրեց Վինդհորստի հակակրութիւնը Պրուսիայի դէմ: Նա վայր դրեց իւր 1865-ին ստացած բարձր պաշտօնը, որ անարգել կերպով իրան նւիրէր պարլամենտական կռիւն ընդդէմ նոր քաղաքական դրութեան, և պատգամաւոր ընտրելով՝ նա մտաւ պրուսական պատգամաւորների ժողովը, ապա և գերմանական ռէյխստագը իբր պարագլուխ Վելֆեան (Հաննովրեան) կուսակցութեան և իբր պաշտպան բոլոր պարտիկուլարիստական ձգտումների (ուրեմն ընդդէմ գերմանական այն միութեան որ ստեղծեց Բիսմարկ):

Որպէս ղեկավարաւորաւոր և տակտիկայի մէջ շատ փորձաժին մէկը, նա, որը թէև զուտ կաթոլիկական բայց բարեկամ չէր պապի անսխալականութեան դոգմայի, այս վերջին հակառակութիւնը ձեռքից թողեց, որպէս պնդում են նրա համար, որ, իբր առաջնորդ մի ուժեղ կաթոլիկական կուսակցութեան՝ աւելի մեծ յոյսերով կարողանայ իւր վելֆական (Հաննովրեան պարտիկուլարիստական) նպատակներին հետևել, և մի այնպիսի ոյժ միացնել իւր ձեռքում, որ Պրուսիան ստիպւած լինի հաշի առնել այդ հանգամանքը աւելի, քան եթէ Վինդհորստը միայն վելֆեան գրուպպայի պարագլուխ: Իսկապէս այդ յաջողեց Նրան, ստեղծելով Կենտրոնի կուսակցութիւնը, որի ոյժը նա ծառայեցնում էր նաև իւր վելֆական նպատակներին, չընայած որ Կենտրոնի կուսակցութեան մէջ կային տարրեր, որոնք բոլորովին վելֆական հակումներ չունէին: Վինդհորստի յաջողութիւնը այդ գործում այնքան մեծ էր որ Հաննովրեան պրովինցում (նախկին թագաւորութիւն) նաև այն տարրերը յարեցին նրան, որոնք առաջ վճռական կռիւ էին մղում կաթոլիկականութեան դէմ:

Կենտրոնի կամ որ նոյնն է՝ Վինդհորստի կուսակցութեան նշանաւորագոյն կռիւը այն էր, որ նա վարեց ընդդէմ Բիսմարկի քաղաքականութեան՝ վերաբերեալ դպրոցի և եկեղեցու: Այդ կռիւը կրում է յատուկ անուն և կուլտուրկամպֆ (Kulturkampf), որ բառացի նշանակում է՝ քաղաքակրթութեան կռիւ: Բիսմարկ ուզում էր դպրոցը ազատ պահել կաթոլիկ կղերականութեան, որ նոյնն է թէ պապի ազդեցու-

Թիւնից: Նաև կղերական դասակարգը պէտք է ստանար պետական-
քաղաքացիական կրթութիւն կամ ենթարկէր պետական օրէնքներին:
Այդ կռիւ սկզբնաւորութեան և ամբողջ պրոցիսի մասին խօսելը հեռու
կը տանէր մեզ, բայց սա հաստատ է, որ այս կռիւը այլ վախճան կ'ունե-
նար, եթէ միայն կաթոլիկ կուսակցութեան գլուխ չը լինէր Վինդհոր-
ստը, որը իւր անխոնջ գործունէութիւնով և ամեն բոլոր կռիւ համար
պատրաստ լինելով, այնքան ճարպիկութեամբ օգտուում էր իւր հա-
կառակորդի բոլոր թոյլ կողմերից: Այդ կռիւից Վինդհորստը դուրս եկաւ
այնքան մեծացած, այնպիսի գիրք ստացած, ինչպիսին չի ձեռք
բերել Պրուսիայում և Գերմանիայում ոչ մի պարլամենտական մարդ
և որին հազիւ թէ շուտով ով և իցէ կարողանայ ձեռք բերել:

Բայց այն ինչ իւր տակտիկայի գլուխ գործոցն էր, այդ այն
էր որ, չը նայած որ նա գլուխ էր մի կուսակցութեան, որը նորա-
ստեղծ գերմանական կայսերութեան հիմնիւն և կազմակերպելուն
թշնամի էր, այնու ամենայնիւ նա այնպիսի ուղղութիւն տւեց Կենտ-
րոնի կուսակցութեան, որ վերջինս մեծ մասնակցութիւն ունեցաւ
օրէնսգրութեան գործում: Այդ նորանից էր որ Կենտրոնի կուսակցու-
թեան աւելի հեռատես մասը տեսնում էր ընդհանուր պետական
օրէնքների անհրաժեշտութիւնը: Թոյլ տալով որ իւր կուսակցու-
թեան մի մասը չբխտոնէական-պահպանողական ուղղակի տակ,
իսկ միւսները յառաջդիմականների և դեմոկրատների կողմերում
կուեն, նա այնու ամենայնիւ գիտէր ամենքին ի մի խմբել, երբ
հարկաւոր էր իւր մեծ թշնամուց (Բիսմարկից) մի առաջարկութիւն
լսել, որ կարելի լինէր նորանից աւելի ևս մեծ զիջումներ դուրս
կորզել: Օրինակ, Բիսմարկը 70-ական թւականների վերջում ձեռ-
նարկեց տնտեսական նոր քաղաքականութեան՝ հովանաւորող սիստե-
մի մտքով: Բոլոր կուսակցութիւնների մէջ էլ կային մարդիկ կամ
ընդդէմ կամ բարեկամ այդ սիստեմի: Բայց միայն Վինդհորստն էր
որ կարողացաւ այդ ամենից մի մեծամասնութիւն գլուխ բերել յօ-
գուտ Բիսմարկի այդ առաջարկութեան, բայց ի հարկէ միմիայն նորա
համար որ Բիսմարկը զիջումներ անէ եկեղեցական և դպրոցական
գործերում: Եւ Վինդհորստը ստացաւ բաւարարութիւն այդ ծա-
ռայութեան համար: Նա ստիպեց Բիսմարկին, ինչպէս փոխաբերա-
կան մտքով ասում են, «գնալ Կանոսսա», հպատակել պապին:

Երբ այդպիսով վերացեցին մայիսեան օրէնքները (այսպէս են կոչուում այն օրէնքները, որ 1873-ին յառաջացրին կուտուրկամպֆը), այդ ժամանակ բնական է որ Վիլլհէլմիսի սկսեցին հեռանալ այն ամենքը, որոնք կապած էին նորա հետ միմիայն այդ կուրի համար։ Վելֆեան գրուպան սկսեց տեսնել, որ Վիլլհէլմիսը թողել է նախկին նեղ վելֆեան միտումները և նա պաշտպանում է միայն կաթոլիկական ինտերեսները։ Նոքա նկատեցին որ Վիլլհէլմիսը իւր ներքինում ուրիշ մարդ է դառել։ Եւ այդ բնական էր. Վիլլհէլմիսը, այնքան տարիներ աշխատակցելով կայսերութեան օրէնսդրական գործի մէջ, սկսել էր գտնել որ Բիսմարկի ստեղծած գերմանական միութիւնը կարելի բան է և որ չի կարելի ի սէր Հաննովրի գոհել միացած հայրենիքը։ Այդ պատճառով Վիլլհէլմիսի մէջ վելֆականը կամաց կամաց մարում էր և այն զուտ կաթոլիկը, որը իւր եկեղեցու համար այնքան բան էր յաջողացրել, զգում էր միշտ աճող ջերմութիւն այն պետութեան համար, որի մէջ իւր հաւատակիցների հետ միասին այնքան նշանաւոր յաջողութիւններ էր ձեռք բերել։ Թէև Վիլլհէլմիսը, միշտ նորանոր խնդիրներ հարուցանելով, կարողանում էր հին բարեկամներին կրկին իւր հետ կապել, բայց նա զգում էր որ Գենտրոնի նշանակութիւնը կորչում է և որ իւր սեպհական դիրքը խախտուում է։ Բայց ահա վրայ հասան 20 փետրւ. 1890 թւականի ընտրութիւնները, որից Վիլլհէլմիսը դուրս եկաւ մի այնպիսի ոյժով, ինչպիսին նա երբէք ունեցած չէր։ Ժողովրդական դպրոցների մի նոր օրէնքով առ միշտ սահման դրեց եկեղեցու ներգործութեան դպրոցի վերայ որով և իսկուպէս վերջապէս վերջացաւ կուտուրկամպֆը։ Այդ օրէնքը այնքան արմատական չէր որքան 1873-ի մայիսեան օրէնքներն էին, դա մի տեսակ հաշտութիւն է պետութեան և եկեղեցու ժողովրդական լուսաւորութեան միմիաստ Գոսլերի հրաժարականը Վիլլհէլմիսի ամենավերջին յաղթութիւնն էր. և այդ այն Գոսլերն էր, որի մասին մի քանի ամիս առաջ դպրոցական կոնֆերենցիան բացելիս, կայսր Վիլհէլմ II ամենքի առաջ յայտնեց թէ՛ Պրուսիան նորա պէս լաւ միմիաստ ունեցած չէ։